

Inscì giva l bal fora per valades,
Per monz, tē l'áir, per coi e per forcèles;
Nia nē jovà les mans del viadù alzades
Per pietè, nia les paroles morjèles
Con ùmeltè e gran tēma prononziades,
Súrdes restava quèles strīs crùdèles;
Trés giva l bal inant, i giat' sonava,
Tratan quē l viadù dūt in soiūs fladava.

Qui mai podès del bal di la dorèza?
'Chi noš viadù saorí fa nel podèssa,
L viadù plù mort quē vi da la deblèza
E dal spavènt plù andato¹⁾ qu'an n' minèssa.
N bot in ùltim i sal dē gran granèza
D' avēi aldí, scēquē val canon stlop' tēssa;
Gran scoritè corí a spo súa vista,
Dē les strīs perdù a 'chi súa mēnt la lista.

L dì do ten tablè súra l fēgn da mufa
S'al descédé dē mont desconesciúda,
No pro na bèla chaldīra dē júfa
Tan bēgn al tēmp dē gi a mont conesciúda,
Qu'èla fant'e fancèles gonót stúfa,
Mo corí col frēit soiūs mortal, qu' destúda
Con sofì lišir den púr nascēnt la vita
E fége la fin a dūt col jor dē saita.

La téra col linzó d'la mort corida,
Dūt stopé it'vèghel con búrta nevéra;
Dúta la mont pé, oh spavènt, maledida;
D'i vènt' l búr re scioran, šenan la véra
A declaré a la natúra spaorida,
Gonf, nēi, frēit e dlacia abracia la téra.
Na orazion a la oma dē Cristo fata
A del viadù la vita a mort sotrata.

¹⁾ malconcio.

Versioni libere.

1.

Oh¹⁾ bona vérgin, r' gína imacoláta,
Bèl ùrt d'amór qu'florésce col' ùmeliánza,
D'olá qu'na sórt dē spēisa è stada fáta
Da sostegní la gènt, qu'a n pù' dē criánza;
Fontána d'dùt nòš bëgn e rù d'amòr,
Pietè comé qu'i son corí d'pantán,
Mo criè a l'imágin d'tó bon fi — ch'onòr! —,
Con dùt'quē dige to sant inom pítan!

Oh vérgin, r' gína, inscìqu' rošára tòma
Sul' érba vèrda, avisa inscì, per di quèl
Qu'è vèi, vè gnùt sorèdl in té scèque òma,
T'la étèrnità bëgn sòl, mo térzo impó èl èl;
Per ameqízia nòsta sòl l'al fat,
Arpé mia mai nē n'essen nia podú,
No, vérgin plèna d'l bëgn, sc'd' óš fi l bèl at,
Cèi san per quí qu'a fan, nē fòs sté odú.

Fontána, olá qu'sō láva e bèl sē nēta
Quíš tēmp qu'è plegns dē vanità dùt páza,
Quē t'sciáldes t'l frèit e sfréides t'l chalt, t'an crēta,
Armé d'la dignità e sostégn d'sta²⁾ ráza:
Levé nes as l tribùt d'la mórt qu'degàn
Podèssa zénza té squivè; bèl nēt
As fat col fi t'la chaša, olá qu'vignùn
Denant mesâ gni frat desòt só tēt.

Oh bèl e sol confórt dē nòsta roína,
Chastèl forní dē blòta e gran noblèza,
Tlesúra, qu't'as abú nù mèiš devína
Persòna in té per bát'la ria diaolèza:

¹⁾ Altfranz. Lieder, v. Ed. Mätzner, Berlin 1853, p. 66.

²⁾ = questa.

Salvá per té, regína d'b'léza, sons
Da búrta e ria presòn, olá qu'è trat'
Qui sérv'al viz e dùt'i gran mangiòns,
Qu'impè d'fa l bëgn per l mal è trës dùt mat'.

Oh mîl, implída e fáta d'róba dúcia
Da quáter érbes plù qu'vign'átra sánes,
Dal spirit sant, dal fi qu'dal cîl s'en múcia,
Da té, dal pér' — scritúra, l creïe cománes —
Bonté plù grána n'èl qu'la túa salvan
La gënt, qu'n'a nia d'común con té e tó fi,
Ma dër qu'èl áie dolder d'sù mái; daidan
Tõ vèghen quan qu'la mórt manácia l rî.

Tõ l'abondánza, prions, consérves¹⁾, d'fènes¹⁾
E tēgn'da lonce sopérbia e búrta criánza;
Mo sc'on desgrázies, chára bëgn, traténes²⁾
Da desp'razion: mesúra e temperánza
Sì l gròp d'amòr tra nòs e Dî,
Qu'èl sòl dà lum plà tléra d'l dí.

2.

Di³⁾, qu'èl bèl jòn qui mai vèl mo?
Sdlominan les stéles vèghes,
Qu'èl va in it'da quèles èghes,
Súa crestiana qui pól èster?

Tan na bèla qu'átres d'gúnes,
Mo la dóta n'è pa grána,
L'érpešonga n'è qu'mesána:
N dër pice úrt quë pórtá roeşes.

¹⁾ = consérva-nes; deféne-nes.

²⁾ = tratégne-nes.

³⁾ Die Volkslieder des Engadin, v. Alfons von Flugli, Strassburg 1873,
p. 82.

„Bèla múta, prěiě bèl, damě
Fóra d'úrt na bèla roeša.“
„Quěš ně pói, věl m'inrevessa,
No, a fa quěš ně n'ai comádo.“

„Mia crestiána n'ós donca èster?“
„N pice granèl plù tós sii fáta
E sòt sòt téra móla tráta
Qu'èster túa crestiána, náldo!“

„Sís granèl, se'inscí t'agráda¹⁾,
Va ma e fa t'corí sòt téra:
Fa t'farái ma impó la véra,
M'fége ocèl e sù tē mánghi.“

„Púr'ocèl, m'avěsses gòla?
Mat ès troep, per quěš t'traměnti;
N bèl chamúrce a pósta d'věnti,
Scriche e salt'sún quěles lástes.“

„Fòsses tú n chamúrce e gísses
Dlon scrichan e dlon saltan mò,
T'ciáfi sún qui crěp l meděmo,
N iágher d'věnti sněl zěnz'áter.“

„Quan qu'tù vėgnes n bráo bèl iágher
Per ciacé dai crěp na bèla,
Měsi gni na bagatěla:
Píceá roeša a quí mē còmpra.“

„Bèla roeša pěnses d'èster?
Súl marchè sěrás venúda,
Quěsta cósá bėgn è s'gúda,
Quěl sěrái bėgn iú qu'tē còmpra.“

¹⁾ it. aggradare.

„Dònca ignó segúda sònši?
Tù t'ès quèl què páia l'iádě,
N'ángiol sònši e in cîl iù vádě,
N'ángiol sònši, sònši s'gúda?“

„Ángiol ès t'? segúda n'ès pa;
N'ángiol dër scèqu'tù devénti:
Tòì şegn, l'ángiol báşa l'ángiol.“

3.

Bègn¹⁾ sovènz e própi bèla sòla
Stai sentáda sòt n pèce, ambria quíri,
Lonce e lérc spó l'oedl chára, dlone míri,
Chári e osérvi, per quèš nē m'di tròla!

Iù vègh'l rù què brontòra e s'berdòra,
Èl s'intórge scèqu'na ria bísca gríša,
Iù vègh'l léc troep plù quít qu'la gènt t'dlíša,
Sdlominan la it'sorédł tért e adòra.

Sù d'insóm d'la mont cèr quèles rútes
Èl chamó sorédł què dà bèl fóra,
Mo bèl plan jù s'en val in malóra,
Şegn què les váches diě vèster mútes²⁾).

Jù t'la val la champána şegn sòna:
Bèl sòn sant, lonce pès bègn, mo bon sònes;
Vé şegn la gènt qu'desmèntia sùs ònes,
Qu'ména l'Ávè a María sánta e bòna.

Bèles cóses, zènza confrònt bèles,
Scè contént inche t'les gódes e sèntes,
Mo mi cùr con quèš dút nē conténtes,
Qu'les ligrézes per mé plù nē n'èles.

¹⁾ Choix de poésies, par E. Burtin, Berlin 1870, p. 224.

²⁾ part. perf. del verbo: mûge (mungere).

Val e val, mont e mont dô mé lâsci,
Fôra ed îte e sù e jù vai dagnòra,
Salt'per vígni straddòn a vígn'òra,
Vígni cùra, vígni ért şëgn tralâsci.

Questes bèles valâdes, quiş palâce,
Questes cháşes, per mé vèles mórtes;
Rûs, crëp, bôsc'e ôs, deşért', „Chi mō pórtas?“
Damanès; „Na persòna dal maráce.“

Sorédł léva, sorédł va sòt, dût'l sa;
Per mé èl dût dût ùn, sî adòra o sêra,
Per mé sî blanc, çuce, ghél inscíqu'cêra,
Chi m'impórt'l? felíz nē sònşi impó n'pa.

Scō con èl iù podès fa la strâda,
Dlone odèssi deşért', no campâgnes;
Nia, oh sorédł, n'òì dē quél qu't'acompâgnes;
Co mai, téra, di, co ès stada criâda?

Fórsci d'lá da quîs paîş n sorédł plù bèl
Veghen sdłlominan, téres plù bèles;
Lascé mi córp a les parentèles
Orèssi e gi olá qu'èl è dër morgèl.

N piòn ç'lést iló segú méssel èster;
Spó cîafèssi l'amòr, la speránza,
Quél bèl ídol, d'quél qu'vign'òm è zünza,
Degùn inòm n'al sùn quèş mon t'rèster.

Perchí mai, gran bèl ídol, inquina
A té nē pói gni sùl char dē l'aoròra?
Con quèş mòn perchí rèsti dagnòra?
Tra la téra e mé ch'èl mai qu'confína?

Quan qu'd'altòn jù d'i lègns la fòia tòma
 Dal vènt leşır inşaulá¹⁾ portáda,
 La òta crèssi èster na fòia tomáda
 Ed èster portada olá qu'viva è la òma.

4.

„Dórnes²⁾ chamó? Láva, descédet'na òta;
 Zënza menâs inche scē t'dormís la bòcha,
 Tó dormí bëgn gonót è scèque orazion,
 Mo quēsta sēra tē minēssen sánta,
 Tù slēf nē s'my nēt nia, tó flē nē sēnten.
 Plù quē zënza lāsces jù l chē, perchí mò?
 Chi mai t'ons fat quē plù nē n'ós nes fa áicia?
 Vé, la lum, l füc, la fláma prēs s'destúda,
 Dá snēl respósta o l füc quē fúma sciáldi,
 Nòs, la lum geon dūt'a fení la víta!
 Mórt'u's cíafarás spó pro la lum d'stodáda;
 Chi dirás mai quan quē t'sērás d'scedáda?
 Les lamentazions spó dē té n'aldions plù,
 Tù nascēnt'; sciáldi dī tigní nes mēses,
 Scē resorís t'nes ós ódēi tē tū brace.
 Les mans dānes donca e t'les nóstes cháldes
 Mēt'les; na chántia dēr, na bèla, chánta,
 Val nes dirás d'quī qu'a chavál dlone gíva
 Per vadagnē dē bèles rīs vitóries,
 A bèles sciòres fant'devotíssimi.
 Dínes dō spó da quī qu'l malan áió tēma,
 Chi érémita a odú Lúçifer tel'ária,
 Chi bèl diamant sdlomína trēs sùl front d'l ré
 D'i spírti salvári; spó se'l diáo t'só régno
 Sē tēme e múcia plù da şálmi o lānces.
 Odēi la bíbia se'nó fánes con dūtes
 Les sántes bèles, l cēl indoré coi sant',

¹⁾ = ego — non — sapio — ubi — illac.

²⁾ Choix de poésies, p. E. Burtin, Berlin 1870, p. 276.

Nós pice Giesú, la crígna e l bó, spó i magi;
 Fa lige nes mèses e insignè les lignes
 Dē quēl Latin quē nós Idí gian álda.
 Oh láva, la lincérna bèl plan s'd'stúda;
 Trés e trés plù grana l'ambria devēta,
 Signái gnarál prēs a nes fa gran téma.
 Láschia tó sòn, láschia per n púc les sántes!
 Per áter gran confort nes fóves, sēgn pa?
 Mi Dī, tú brace è frēit'e davért'tú oedli;
 Dan púc chamó nes rajonás dē n'áter
 Mòn, d'la fósá, del cīl, d'la vita cūrta,
 Despó d'la mórt . . . Di mo, per mórt chi intēnes?
 Chi è pa la mórt? Di, dānes pù respósta!
 Dī i pici inscí bī sūs tra d'ēi r'jonáva;
 L'álba gnī, láva trés dormíva bèl trés.
 Dô mēsa grána l'angonía sonáven;
 Ūn quē pasá odóva la pórtá daérta,
 Da it'da pórtá sùn mēsa l liber, ut l lèt,
 Inche i mitons, injonedlá fói e priáva.

5.

Coněsc's¹⁾ la téra, olá qu'limons florěsce,
 Olá qu'i arānci sòt la fóia asá crěsce,
 Olá qu'bèl brum è l cīl, lapró n pice vënt,
 Olá qu'l'alóro e l mírto chára a gēnt?
 Coněsces quēla téra?

Iló! Dailó

Con té, mi bèl crestian, m'mesěsses tó.
 Coněsc's la cháša? mérmō tēgn'sù l tēt,
 La stúa sdlomína; dūt tigní bèl nēt,
 Les státűes d'mérmo chára trés sù d'mé:
 Mia pūra mŭta, di, t'an fat val mé?
 Coněsces quēla cháša?

Iló! Dailó

Con té, mia guárdia, me mesěsses tó.

¹⁾ Mignon (Goethe).

Coněsc's la mont? tel nío la sém'na pé,
Fadia sě fége 'chi l mūt iló a pesté;
L dragon t'na tána sta, con ěl sua cóa;
Crepons e rūs vėgn'jũ quě dūt va in róa.
Coněsces tũ la mont?

Iló! Dailó

Con té, mi pérě, s'gũ mě měses tó.

6.

Qui¹⁾ tan tért sporòma contra n té vėnt?
L fi col pérě ěl, gi vai qu'ěl è n spavėnt;
L pér'so fi t'i brace bėgn dūr e strėnt tėgn',
Dūr e strėnt, per quěs i dal tan chalt šėgn.
— Ch'as pa, oh fi, perchí t'ascògnes l bėl mūs? —
Pér', ně vėghes l ré d'impró da quĩ rūs?
L ré d'i lėgns con còda, con coròna? —
N tac dě nío, mi fi, áter n'ěl quě t'coiòna. —
„Bėl pice mūt, ně n'ós t'en gni comé? Vi,
Bėl da mat fageòns pa intrámi, n'ós gni?
Ciũf asá quě tòfa bon tē pói dé,
Mia òma l quant tē dà d'argént e indoré“. —
Pérě, oh pér', ně n'áldes, co qu'ěl sòna?
L ré d'i lėgns dad ěga plan rajòna? —
Pice, oh pice, sta quĩt e scòlta bėl plan,
L vėnt ěl qu't'áldes t'questes brúsces soflan. —
„Oh bėl mūt, comé comé gni měses,
Bėgn traté da mis mitans gni dėses;
Mis mitans da sėra ródá e bála,
Chánta intán qu't'indòrmes²⁾, n'ós na tála?“ —
Pérě, oh pérě, iló t'quėl scūr bėgn vėghes
Šėgn les fīs del ré d'i lėgns dad ěghes? —
Pice, oh pice, saorí les vėghi dutes,
Gríses péles, nia n'ěl áter qu'rútes. —

¹⁾ Erlkönig (Goethe).

²⁾ Formá irregolare invece della regolare: indormeděsces.

„Qu'i'tē pórtē amòr, tó córp mē sfórza,
Dònce a bones vi, sc'nē t'ós la fórza“. —
Pérē, oh pérē, èl pēia e mē tòca, l búr ré,
L ré d'i lēgns dad èga, fat m'al gran mé. —
L pér'sē tēme e spaventé val d'bóta
L pice sùl brace quē sùsta scèqu'da bóta,
Rùa con gran fadía, con pēna dan pórt —
L pér'tignī t'i brace só bèl púr'pice mórt.

7.

Mia¹⁾ mûta n'n'ê fedèla a mé,
Ligrèzes n'ávi d'gúnes plù,
Salté saltái pro n bèl gran rù,
Pasan l'odóvi dlongia l pré.

Iló bèl quít e desperé
Senté m'en stévi ciurn e mat,
Co gian mē fòssi t'èga trat!
Con dùt quēs mon m'paròl d'rodé.

Zaca digean aldívi sègn —
Iù fóva olté e mostrà l spinè —
Ùge tála n'èssi mai d'vinè:
„Nē gi pa sòt, èl fòs rī sègn!“

Mi sanc poròl qu'orès bolí;
Na mûta, cùc'na tan quē n pòm,
„Tarína“, dig'la, „t'è mi inòm.“
„Tarína, t'ès inseíqu'l'olí;

Da búrta mórt sègn m'as salvé,
La vita a ti debít iù son,
Mo púc con quēs mē das d'rejòn,
Fortùna chára qu't'póies mē dé.“

¹⁾ Rettung (Goethe).

Mi mai, mia m'séria ad èla ai dit,
 Con oedli stlüt'èl'a scolté —
 Iù l'a basàda ed èla mé;
 Copé no plù, mo sté bèl quìt.

La Róda.

1.

Fíra¹⁾, fíra, mûta, fíra,
 Fa qu'la róda vad'morgèl,
 Stòpa scása, tèi destíra,
 Sù con lana n bèl pangèl!²⁾
 Oh bèl bal, tù t'v's val³⁾,
 Róda snèl, róda snèl!
 Oh bèl bal, tù t'v's val,
 Róda snèl, qu'l fi vègn' bèl.

2.

Dër inscí tûa vita róda
 Lígra in chaşa, dliša e champ;
 Mo gonót aflíta e scióda
 Dlon⁴⁾ fíran ca bèl só tēmp.
 Oh bèl bal, tù t'v's val,
 Róda snèl, róda snèl
 Oh bèl bal, tù t'v's val,
 Róda snèl, qu'l tēmp va snèl.

3.

Róda, róda, mûta, ména,
 L tèi s'intórce, e l fi crēsce lone,
 L spói⁵⁾ vègn'grós, l pangèl sta
 apéna,
 Dût sē mû, ah, vita èl dlone.

Il Filatoio.

1.

Fila, fila giovinetta,
 Fa la ruota lieve andar,
 Stoppa scarta e stame in fretta
 Stira, e lana su ripon!
 Val tant'or quel lavor,
 Non ristar, non finir!
 La ruota gira ancor,
 Bel filo ha da venir.

2.

Tal tua vita ora soave
 Scorre in casa, in chiesa, ai campi;
 Spesso pure afflitta e grave
 Giù filando il tempo vien.
 Val tant'or quel lavor,
 Non ristar un punto sol,
 Gira tua ruota ognor,
 Il tempo fugge a vol.

3.

Giovinetta, gira, mena,
 Si fa torto e lungo il fil;
 Grosso è il fuso e stan' c'è
 appena,
 Tutto è moto e ha vita qui.

¹⁾ fíra = fila. ²⁾ pangèl, da pannus, come l'ital. pannicello.

³⁾ Raddoppiamento del soggetto.

⁴⁾ „val“ ha anche il significato di „molto“.

⁵⁾ „dlone“ (de — longum) congiunto col participio rinforza il medesimo.

⁶⁾ spói (e non „spói“, cfr. Glos.) dal abd. spuolo; cfr. Diez 106. I. 395.